

FRANCISCI ¹⁵⁰

AQVILARII

VVLCANVS.

Siue carmen de duobus incendijs, quæ
Venetiis euenerunt anno a natiuitate Christi
CIO. IO. LXXIIII.



VENETIIS,

Ex Officina Dominici Guerraei, & Io. Baptista, fratrum.

CIO. IO. LXXIIII.

FRANCISCI

AQUILARI

VVLGARS

Sine carmine de quibus incipit. que

est carmen incipit. que

est carmen incipit.



est carmen incipit.



FRANCISCI AQVILARII
VVLCANVS.



ENSE RAT in cæcis plerumque recessibus almam
Vxorem querulis conscindere questibus auras
Mulciber, & belli patrem, pelagiq. potentem
Accusare; feris populis, quibus imperet, alter
Quod vastare Cyprum, sibi dulcia regna, suasq.
Delicias veteres, permiserit; alter & illuc

Per sua reddi derit securos æquora cursus.
Ipse igitur, crebro questu commotus amatæ
Coniugis, & fortem tandem miseratus iniquam,
Affuit, ac tali solatur voce querentem.
Quid, mea, dulcis amor noster, carissima coniux,
Conquereris; casusq. tuos, & numina dira
Tristibus ingeminas dictis, nec proficis hilum?
Quin age, quandoquidem, solita vertigine cælum
Quod tulit inferius, fas haud mutare, videndum est,
Si quo forte modo, quæ nunc tibi corda remordent,
Ista tua vlcisci tandem mala damna queamus.
Belligerum Martem, quiq. æquora salsa gubernat
Neptunum Veneti magno reuerentur honore;
Illum, vt, qui armorum studiosi, tempora quamuis
Pacis agant, semper maneant, defendere ab hoste
Quo sua regna queant, si forte aliquando necesse est
Horrida bella sequi; viresq. ostendere in armis;
Hunc autem, imperij quippe intra limina cuius
Vrbem habeant, columen rerum sublime suarum.
Hinc simulacra deum Pario de marmore vtrique
Ercxere etiam. stat regia scala palati
Planitie in media, nec non in vertice scalæ
Area parua. tenet dextram Mars ipse, sinistram
Neptunus, magnæ effigies, monumenta superba,
Qualia non videas toto fors altera in orbe.

Quin & tempus adest, quo iam quater ardua Phœbus
Limina Ledaï duplicis lustrauerit astri,
Ex quo more patrum Mocenica gente creatus
Deligitur magna princeps Aloysius vibi.
Assolet hic tanti decoris renouare quotannis
Natalem ingenti luxu. conuiuia dantur
Tempestiua patrum primoribus, ordine eodem
Matronis, forma claris, & denique quot quot
Ipsius affuerint festos celebrare Penates.
Hic etiam interfunt tam latis rebus agendis
Numina multa deum; Mauors, domitorq. marini
Gurgitis in primis, alicuius vterque triumphi
Lætus amicorum veluti spectator ouantum.
Ergo ego lætitia in media, inter pocula læta,
In tecti augusti magnis penetralibus ignem
Accendam ingentem, quo moles omnis, ad ima
Fundamenta ruens, hostilia signa refringat,
Inq. solo extenuet, spectantibus hostibus ipsis.
Quinetiam veterem nostras speramus amicum
Acolon aucturum vires. communis vtrique
Est patria. illi odium in fratrem, quod sæpe repellat
A pelago ventos, nec non conuitia iacet
In regem, & dictis haudquaquam parcat amaris.
Sic fatus Venetam sese transmittit in urbem,
Principis & tecti partem, quæ rite colossis
Imminet, aggreditur; primumq. vbi forte coquebant
Regificas epulas, interfert igne caminum.
Ast homines primo parui rem pendere: curam
Linquere quinetiam reprimendi protinus ipsum
Ardorem, innocuum credentes. ignis at inter
Irrepat tabulata domus, atque omnia miscet
Fumiferis tenebris, & viuus denique flammis
Tum vero, trepida cuncti formidine pressi,
Obstrepere. hac illac discurrunt agmina patrum.
Matronæ celeres, pueri, innuptæq. puellæ
Diffugiunt. furit ignis atrox. iamq. ocyus omnes
Expediunt tremulos extra aurea limina passus.
Totius interea per compita densa vagatur
Vrbis fama, ferens prætoria sancta cremari.
Tum vapor, obscura circum caligine fultus,

Conspicitur

Conspicitur multis transscendere ad æthera rectis.
 Aera sonant celsis in turribus. undique vulgus,
 Permistum patribus, subitum concurrit ad ignem.
 Pars liquidos latices vicino e gurgite portant
 Aere cauo, subeuntq. locos, incendia per quos
 Dant aditum, & rapidam tentant extinguere flammam.
 Roboreas alij scalas aliunde subactis
 Rite ferunt humeris, qua candida marmora cautim
 Scandentes, validis deuoluunt viribus ipsa
 Plumbea tecta, trabes nitidas, læuesq. tabellas,
 Ut saltem reprimant progressus pestis iniquæ.
 Illicet. ignis edax summa ad fastigia tendit,
 Vicini immittas nil curans æquoris vndas.
 Atque etiam de parte ruens furibundus Eoa
 Eurus adest, auctum furias a principe missus
 Hippotade antiqui grato in conamine amici.
 Turbidus, Hadriacis rediens a fluctibus, illi
 Rettulerat Zephyrus Vulcania coepta, simulq.
 Exitium propius signis, probrumq. futurum.
 Ergo nec ipsa iuuant vacui discrimina callis,
 Quo minus, adiunctis ventorum flatibus, ignis
 Euomat ulterius volucris contagia flammæ.
 Marmoreum dextro lateri altæ molis inhæret
 Templum ingens, donis opulentum, & numine diuum.
 Curua solent quod quinque graui pinnacula plumbo
 Tecta operire, crucis pulchræ instar. plurimus auro
 Fulget ibi fornix; crebrumq. emblema figuras
 Effingit rerum varias, hominumq. deumq.
 Res gestas ueteres, arcanaq. fata reponens.
 Ergo huc per uacuum sese, mirabile dictu,
 Aera deuoluunt incendia dira, furor
 Flaminis acta recens, unumq. e quinque cacumen
 Arripiunt, ardore uorant. non sufficit ulla
 Vis contra; non arma ualent. fluit undique plumbum
 In subiecta fori, lamnis liquentibus æstu.
 Interea Mauors, simul & Neptunus in ampla
 Litora contulerant sese, quæ proxima surgunt:
 Atque, rei quisnam foret exitus, inde frementes
 Spectabant, loquitur cum sic ferus ore Gradius.
 Quid terimus, pelagi magni pater, otia? tendit

Ecce suas uires insultans ignis, & omnem
Disijciet molem, simulacraq. nostra, furori
Flammigero si non occurritur; attamen ipsi
Spectamus uacui flammæ, tremulamq. ruinam:
Nec nos iam pietas, nostrum nec dedecus excitat,
Irrisus posthac terris, cæloq. futuros.
Atqui ego, ne inficiar, iam dudum munera obissem
Hæc eadem, claudiq. fabri, socijq. maligni
Pressissem furias, temerariaq. ausa repente,
Si manus hæc Martis, bello magis apta, uel arma
Sanguinolenta forent hic exercenda. Tua nunc
Vi meliore, tuis, Neptune, tumentibus undis
Est opus; ipse potes tantum restinguere uirus.
Ille nihil, subitam nec opem sermone moratur;
Sed, Tritona uocans, (tubicen tum forte canorus
Pone uolutatas spectabat in aere flammæ)
Vade, ait, æquoreas nobis huc siste sorores;
Dic properent ualidis exstinguere fluctibus istos
Fumigeros ignes, incendia tanta uolentes;
Promptus at ille refert medias se in marmoris undas
Cerulei, conchaq. sonat, qua cuncta mouetur ibi;
Intola gens diuum, nec non pecus arrigit aures;
Lubrica fluctifragi reprimens vestigia cursus.
Agnosunt sonitum vaga numina, protinus atque
Inuisunt focium vocitantem; Phorcus, & ipse
Grandæus Nereus, vatesq. notabilis arte
Multiplici Proteus, reliquiq. ex ordine diui
Ponticolæ: accurrunt Neseæ, Phyllodocæq.
Effusa nitidos per eburnea colla capillos,
Et Thetis, & Melite, Panopæaq. Cymodocæq.
Auro omnes, pictis incinctæ pellibus omnes
Atque Ephyre, atque Opis, tum cetera turba, celebres
Corpore præstanti Nymphæ, & simul ore venustæ.
Iamq. rogat spumosa cohors, quidnâ, optime Triton,
Vis tibi, quid ue noui? Extemplo præcepta parentis
Ille refert, fieriq. iubet. Properantius ergo
Nereides vadunt; conchisq. capacibus vdos
Exportant latices, ac fumos inter, & ignes
Coniiciunt. auctis resident incendia lymphis.
Ac veluti, hostiles si quis dux sæuus in oras

Incurrans

Incurrens, celeri deuastet milite campos,
Incaustum indigenis contra nitentibus; at iam
Subsidio miseris tandem præstantior adsit;
Ille fugit, semiuicta dolens & deserit arua:
Sic ignis rapidi cessit populatio, postquam
Aequoreæ Nymphæ præsto per tecta fuere.
At non ignipotens animum, cœptosq. furores
Deponit, quamquam videat conamina prima
Irrita; quin potius magis irritatur, & igni
Aestuat indomito, secumq. nefanda volutat
Tentamenta, quibus pelagi iam numina vincat.
Vestibulum ante ipsum templi, limenq. palari,
Ad Zephyros versum, iacet ingens illa platea,
Marcia, deductum nomen de nomine Marci,
Auspiciis & sacri templi, patriæq. parentis:
Hæc se in multiplicem tractum diffundit, vtrumque
Ad latus & pandit geminæ quoque brachia molis.
At circum monumenta, velut præcelsa theatra,
Marmorea insurgunt, nisi, quod breue litus ad Austrum est.
Hic locus emporium magno sollempne paratu
Tempore fit, summi quo regnatoris Olympi
Christicolæ sacrum recolunt illustre per orbem,
Quando, triumphata mundanæ mortis acerba
Ingluuiæ, latus supera ad conuexa reuertit.
Tunc velut vrbs quædã struitur toto æquore vallis
Multiiugæ. videas vicos, & strata viarum,
Fraxineasq. simul positas vtrinque tabernas,
Mercibus eximijs plenas, vel principē in ipsa
Vrbe laboratis, vel, quas Germania follers,
Aut Syria, aut Libye, aut longinqua Britannia mittit.
Vela tegunt intenta vias, ne feruida Solis,
Aut subitæ pluuiæ cupidis emptoribus vnumquam
Vis iter impediat, cunctisq. negotia tollat.
Ecce autem populi turba feruebat vbique
Mercatus; rutilumq. iubar lustrauerat orbem
Terrarum vndecies post prima incendia; nox &
Proxima iam cæli medium intempesta subibat:
Cum faber Aetnæus rursus noua fulgura tollit,
Omnibus abrumpens somnos, curasq. reportans.
Ingens vicus erat, virides qua vergit ad vndas

Vasta plaga, adspectu latus, variâq. refertus
Mercis, femineæ in primis: pendere videres
Sindonas hinc Tyrias, & byssina vela, leuésq.
Vittas; at cotylas illic exstare, tenentes
Serica reticula, & zonas, & flammea, nec non
Mille alia, exquirunt quæ femina lauta frequenter.
Quid Samia enarrem, quid vitrea vasa, rubentes
Altera picta rosas, hominesq. deosq. celebres;
Altera in irriguos fontes, pulchrasq. triremes
Conflata, & varias referentes sibila formas.
Hic ergo ignipotens, correpto lumine, quidam
Quod puer incautus, post cenam in somnia lapsus,
Incensum oblitus fuerat, tabulasq. trabesq.
Impositæ accendit, nullo aduertente, tabernæ.
Iamq. vapor rutilus trans culmina sicca volabat,
Et latere ignito latus inflammare propinquum
Cœperat, horrifico flammæ reboante tumultu
Excuitur molli quando vicinia lecto.
Tum vero exoritur miserabilis vndique clamor,
Aëris permixtus sonitu, crepitantis ab altis
Culminibus. linquit mortalia somnus ubique
Corpora. concurrunt homines: non deficit vrna;
Non humana pijs sollertia. sed tamen ignis
Progreditur, vicumq. omnem, lateriq. tabernas
Contiguas (fuerant aliquot) complectitur atris
Flammarum turbis, etiam fundamina adurens.
Tempore non illo præsentia numina magni
Quippe fuere maris: subito nam cuncta, priori
Exstincta flammæ rabie, in sua cærulea regna
Rettulerant placidos per proxima litora gressus.
Quod, nisi in obliquum discrimina flexa viarum,
Velaq. tenta super, celeri detracta lacerto,
Vicos seruassent reliquos a peste furenti,
Heu platea illa omnis, pretiosa merce referta,
Protinus in flammis confederat, ipsaq. circum
Iam monumenta nimis fuerant vicina ruinæ.
At pater omnipotens, rerum cui mira suarum
Cura est, haud voluit procedere longius ignes,
Auxilio duplici summa ratione, gubernat
Qua maria, & terras, & cælos, ante parato.

F I N I S.